

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA

Broj: 02-02-7-1274/16
Sarajevo, 15.12.2016. godine

Z A P I S N I K

15. SJEDNICE DOMA NARODA PARLAMENTA FEDERACIJE BOSNE I HERCEGOVINE, održane 15. septembra i 8. i 15. decembra 2016. godine

Sjednica je počela u 13:50.

Sjednicom je predsjedavala Lidija Bradara, predsjedavajuća Doma naroda Parlamenta Federacije BiH.

Na početku sjednice, predsjedavajuća je pozdravila prisutne delegate i ministre, predstavnike medija, međunarodnih organizacija, udruženja i goste.

Izostanak sa sjednice opravdali su Željko Mirković, Mladen Lonić i Sejo Bukva.

Na osnovu evidencije Stručne službe, predsjedavajuća je konstatirala da sjednici prisustvuje 34 delegata, što čini većinu pa Dom naroda može raditi i punovažno odlučivati.

Predsjedavajuća je obavijestila delegate da je, zbog važnosti tačaka iz predloženog dnevnog reda 15. sjednice, Kolegij Doma odlučio da prvo otvori 15. sjednicu te da, nakon završetka 15., nastavi 14. sjednicu.

U vezi sa navedenim prijedlogom pokrenuta je diskusija u kojoj su učestvovali: Aner Žuljević, Slaviša Šučur, Jasenko Tufekčić i Lidija Bradara.

Predsjedavajuća je, zatim, stavila na glasanje Zapisnik 12. sjednice Doma naroda Parlamenta Federacije BiH, održane 12. aprila, 12. maja i 23. juna 2016. godine i Zapisnik Tematske sjednice Doma naroda Parlamenta Federacije BiH, održane 30. juna 2016. godine.

Na osnovu rezultata glasanja predsjedavajuća je konstatirala da je Dom naroda, bez primjedbi, sa 35 glasova za, četiri protiv i jednim uzdržanim glasom, usvojio Zapisnik 12. sjednice Doma naroda Parlamenta Federacije BiH, održane 12. aprila, 12. maja i 23. juna 2016. godine.

Na osnovu rezultata glasanja predsjedavajuća je konstatirala da je Dom naroda, bez primjedbi, sa 38 glasova za i tri glasa protiv, usvojio Zapisnik Tematske sjednice Doma naroda Parlamenta Federacije BiH, održane 30. juna 2016. godine.

Nakon glasanja o zapisnicima, delegati su postavljali pitanja i pokretali inicijative.

Tomislav Mandić postavio je pitanje federalnom ministru prometa i komunikacija o poslovanju i radu Javnog preduzeća Autoceste FBiH.

Segmedina Srna-Bajramović zatražila je dostavljanje spiska sa imenima i stručnom spremom svih savjetnika u Vladi Federacije. Upitala je na osnovu čega je donešena odluka o nošenju uniforme za inspektore u Federalnoj upravi.

Pokrenula je inicijativu za izradu nacrtu zakona o komori arhitekata i inženjera u graditeljstvu.

Vesna Saradžić je pokrenula inicijativu Direkciji za ceste FBiH za obnovu tabli sa ćirilničnim natpisom.

Mirko Batinić je postavio dva pitanja.

Prvo pitanje se odnosi na Vladu i općinu Travnik, a vezano je za problematiku Katoličkog školskog centra i odluke da se sav prostor vrati u vlasništvo Vrhbosanske nadbiskupije te je upitao kad će se ispoštovati ova odluka.

Drugo pitanje je vezano za rad revizijskih timova i podatke o FMB1, FMB2 u vezi pripadnika HVO, Armije BiH i pripadnika bivšeg MUP-a te je upitao kada će se konačno riješiti pitanja vezana za ove slučajeve.

Anes Osmanović je postavio pitanje je MUP-u Federacije BiH i vezano je za krađu identiteta u svrhu izbornog inženjeringa te je upitao koliko je MUP upoznat sa slučajevima u Odžaku? Pokrenuo je inicijativu da se MUP i FUP uključe i ispitaju ove indicije u skladu sa svojim nadležnostima.

Aner Žuljević je zatražio da mu se dostavi informacija u vezi privatizacije FDS-a i upitao je da li je plasirana u javnost.

Upitao je premijera u vezi sa davanjem saglasnosti na sjednici Vlade za donošenje odluke o ograničenju ovlaštenja izvršnom direktoru JP Elektroprivreda BiH. Izrazio je nezadovoljstvo odgovorom dobijenim na pitanje u vezi fiskaliziranja uplatnih mjesta Lutrije BiH.

Đuro Delić je postavio dva pitanja Agenciji za vode Federacije BiH. Upitao je zašto vodozaštitni objekat nasipa Kopanice opštine Orašje još nije realiziran i zašto se ne ide u realizaciju izgradnje crpne stanice Vidovice na rijeci Savi kada postoji projekat.

Dario Pušić je postavio pitanje Federalnom ministarstvu poljoprivrede, vodoprivrede i šumarstva u vezi neisplaćivanja poticaja iz 2014. godine po rješenjima za ruralni razvoj u 2014. godini. Zatražio je pisani odgovor.

Damir Jukić je postavio pitanje Federalnom ministarstvu energije, rudarstva i industrije u vezi promjene Akcijskog plana Vlade Federacije Bosne i Hercegovine za povlaštene proizvođače električne energije odnosno solarne energije.

Predsjedavajuća je nakon postavljenih pitanja i pokrenutih inicijativa obavijestila delegate da je od predsjednika klubova bošnjačkih i hrvatskih delegata dobila zahtjev za pauzu.

Nakon pauze, predsjedavajuća je obavijestila delegate da se sjednica prekida na zahtjev dva kluba i prekinula sjednicu u 16 sati.

NASTAVAK SJEDNICE ODRŽANE 8. DECEMBRA 2016. GODINE

Sjednica je počela u 17:47.

Sjednicom je predsjedavala Lidija Bradara, predsjedavajuća Doma naroda Parlamenta Federacije BiH.

Na početku sjednice predsjedavajuća je pozdravila delegate, ministre u Vladi Federacije BiH, predstavnike nevladinih organizacija i predstavnike akreditiranih medijskih kuća koji prate rad sjednice.

Na osnovu evidencije Stručne službe, predsjedavajuća je konstatala da sjednici prisustvuje 49 delegata, što čini većinu, te Dom naroda može raditi i punovažno odlučivati.

Predsjedavajuća je podsjetila delegate da su neke tačke predloženog dnevnog reda 15. sjednice razmatrane na 8. vanrednoj sjednici Doma naroda te da su preostale sljedeće tačke 15. sjednice:

1. Prijedlog zakona o izmjenama i dopunama Zakona o igrama na sreću - hitni postupak,
2. Nacrt zakona o šumama,
3. Nacrt zakona o premjeru i registraciji nekretnina,
4. Nacrt zakona o registru finansijskih izvještaja,
5. Nacrt zakona o računovodstvu i reviziji u Federaciji Bosne i Hercegovine,
6. Nacrt zakona o izmjenama i dopunama Zakona o unutrašnjoj trgovini,
7. Kvartalni izvještaj o dugu Q1/ 2016. godine,
8. Prijedlog strategije saobraćaja u Federaciji Bosne i Hercegovine za period 2016.-2030. godina,
9. Izbor i imenovanja:
 - Prijedlog odluke o izmjeni Odluke o izboru predsjednika, zamjenika predsjednika i članova radnih tijela Doma naroda Parlamenta Federacije BiH.

Nakon što je predsjedavajuća pročitala preostale tačke dnevnog reda, Tomislav Martinović, predsjednik Kluba delegata hrvatskog naroda, zatražio je pauzu u trajanju od 15 minuta.

Zatim se prešlo na utvrđivanje dnevnog reda.

Predsjedavajuća je obavijestila delegate da je Vlada Federacije dostavila Prijedlog zakona o izmjenama i dopunama Zakona o igrama na sreću sa prijedlogom da se razmatraju po hitnom postupku.

Prije izjašnjavanja delegata o ovom prijedlogu, Domu se obratio Hajrudin Hadžimehanović, pomoćnik ministrice finansija kako bi obrazložio hitnost postupka.

U vezi ovog prijedloga otvorila se rasprava u kojoj su učestvovali: Daliborka Milović, Osman Čatić, predsjednik Kluba delegata bošnjačkog naroda, Aner Žuljević, Jasenko Tufekčić, Anes Osmanović, Muhamed Kozadra, Tomislav Martinović, Lidija Bradara, Slaviša Šućur, Izmir Hadživdić, sekretar Doma naroda, Almedin Aliefendić, Željko Mirković i Draženka Subašić.

Nakon rasprave prešlo se na glasanje.

Na osnovu rezultata glasanja, predsjedavajuća je konstatala da Dom naroda nije prihvatio prijedlog da se Prijedlog zakona o izmjenama i dopunama Zakona o igrama na sreću razmatra po hitnom postupku, jer je 14 delegata glasalo za, osam delegata je bilo uzdržano, a 25 delegata je bilo protiv.

Budući da je Osman Ćatić izrazio sumnju u rezultate glasanja, pristupilo se poimeničnom glasanju.

Na osnovu rezultata poimeničnog glasanja koje je obavio sekretar Doma naroda, Izmir Hadživdić, predsjedavajuća je konstatirala da Dom naroda Parlamenta Federacije nije prihvatio da se Prijedlog zakona o izmjenama i dopunama Zakona o igrama na sreću razmatra po hitnom postupku, jer je 14 delegata glasalo za, sedam delegata je bilo uzdržano i 29 delegata je glasalo protiv.

Predsjedavajuća je obavijestila delegate da je Komisija za izbor i imenovanja Doma naroda dostavila prijedlog da se na dnevni red uvrsti tačka Izbor i imenovanja na kojoj bi se razmatrao - Prijedlog odluke o izmjeni Odluke o izboru predsjednika, zamjenika predsjednika i članova radnih tijela Doma naroda Parlamenta Federacije BiH, što su delegati prihvatili.

Također, predsjedavajuća je obavijestila delegate da je na 12. sjednici Predstavničkog doma od 8.11.2016. godine, Vlada Federacije povukla Nacrt zakona o premjeru i registraciji nekretnina, a kako predstavnik predlagača nije bio prisutan na sjednici Doma naroda, predsjedavajuća je konstatirala da Dom naroda skida s dnevnog reda navedeni zakon.

Predsjedavajuća je, zatim, konstatirala da je Dom naroda Parlamenta Federacije BiH sa 46 glasova za, jednim glasom protiv i tri uzdržana glasa, usvojio sljedeći

D N E V N I R E D

1. Nacrt zakona o izmjenama i dopunama Zakona o igrama na sreću,
2. Nacrt zakona o šumama,
3. Nacrt zakona o registru finansijskih izvještaja,
4. Nacrt zakona o računovodstvu i reviziji u Federaciji Bosne i Hercegovine,
5. Nacrt zakona o izmjenama i dopunama Zakona o unutrašnjoj trgovini,
6. Kvartalni izvještaj o dugu Q1/ 2016. godine,
7. Prijedlog strategije saobraćaja u Federaciji Bosne i Hercegovine za period 2016.-2030. godina,
8. Izbor i imenovanja:
 - Prijedlog odluke o izmjeni Odluke o izboru predsjednika, zamjenika predsjednika i članova radnih tijela Doma naroda Parlamenta Federacije BiH.

1. Nacrt zakona o izmjenama i dopunama Zakona o igrama na sreću

Nacrt zakona utvrdila je Vlada Federacije.

Predstavnički dom Parlamenta Federacije obavijestio je Dom naroda da je na 12. sjednici, održanoj 13.7.2016. godine, usvojio Prijedlog zakona o igrama na sreću po hitnom postupku u tekstu kako ga je predložila Vlada Federacije. Vlada Federacije je naknadno dostavila 15 amandmana.

Ovaj zakon u formi prijedloga razmatrala su nadležna radna tijela i dostavila svoje izvještaje.

Hajrudin Hadžimehanović, pomoćnik ministrice finansija, obrazložio je navedeni zakon.

Nakon toga, predsjedavajuća je otvorila raspravu u kojoj su učestvovali: Aner Žuljević, Osman Ćatić, Anes Osmanović, Slaviša Šučur, Dario Pušić, Damir Jukić, Daliborka Milović i Hajrudin Hadžimehanović.

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH, sa 36 glasova za, jednim uzdržanim glasom i jednim glasom protiv, usvojio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt zakona o izmjenama i dopunama Zakona o igrama na sreću i smatra da može poslužiti kao osnov za izradu Prijedloga zakona.
2. Zadužuje se Vlada Federacije Bosne i Hercegovine da provede javnu raspravu i najkasnije u roku od 30 dana Domu naroda Parlamenta Federacije Bosne i Hercegovine dostavi Prijedlog zakona o izmjenama i dopunama Zakona o igrama na sreću.
3. Zadužuje se Vlada Federacije da, prilikom izrade Prijedloga zakona ima u vidu primjedbe, prijedloge i sugestije iznesene na sjednici Doma naroda, kao i one iznesene u javnoj raspravi.

Sjednica je prekinuta u 20:08.

NASTAVAK SJEDNICE ODRŽANE 15. DECEMBRA 2016. GODINE

Sjednica je počela u 11:30.

Sjednicom je predsjedavala Lidija Bradara, predsjedavajuća Doma naroda Parlamenta Federacije BiH.

Na početku sjednice predsjedavajuća je pozdravila delegate, federalnu ministricu finansija, Jelku Milićević, federalnog ministra zdravstva, Vjekoslava Mandića, ministre u Vladi Federacije BiH, predstavnike nevladinih organizacija i predstavnike akreditiranih medijskih kuća koji prate rad sjednice.

Izostanak sa sjednice su opravdali Draženka Subašić i Slađan Ilić.

Na osnovu evidencije Stručne službe, predsjedavajuća je konstatirala da sjednici prisustvuje 38 delegata, što čini većinu, te Dom naroda može raditi i punovažno odlučivati.

Predsjedavajuća je podsjetila delegate na preostale tačke dnevnog reda 15. sjednice i to:

2. Nacrt zakona o šumama,
3. Nacrt zakona o registru finansijskih izvještaja,
4. Nacrt zakona o računovodstvu i reviziji u Federaciji Bosne i Hercegovine,
5. Nacrt zakona o izmjenama i dopunama Zakona o unutrašnjoj trgovini,
6. Kvartalni izvještaj o dugu Q1/2016. godine,

7. Prijedlog strategije saobraćaja u Federaciji Bosne i Hercegovine za period 2016.-2030. godina,
8. Izbor i imenovanja:
 - Prijedlog odluke o izmjeni Odluke o izboru predsjednika, zamjenika predsjednika i članova radnih tijela Doma naroda Parlamenta Federacije BiH.

2. Nacrt zakona o šumama

Nacrt zakona utvrdila je Vlada Federacije.

Predstavnički dom Parlamenta Federacije, na 12. sjednici, održanoj 13.7.2016. godine, prihvatio je Nacrt zakona o šumama i tom prilikom ga stavio na javnu raspravu.

Nacrt zakona razmatrala su nadležna radna tijela i dostavila svoje izvještaje.

Danica Cigelj, pomoćnica federalnog ministra poljoprivrede, vodoprivrede i šumarstva, obrazložila je Nacrt zakona.

U raspravi su učestvovali: Drago Puzigaća, Slaviša Šućur, Dario Pušić, Josip Mioč, Admir Hadžipašić, Mirvet Beganović, Željko Mirković, Mile Marčeta, Mustafa Kurtović, Osman Čatić, predsjednik Kluba delegata bošnjačkog naroda, Slobodan Tomić i Lidija Bradara.

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH, sa 41 glasova za i jednim glasom protiv, usvojio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt zakona o šumama i smatra da može poslužiti kao osnov za izradu Prijedloga zakona.
2. Zadužuje se predlagač da organizira i provede javnu raspravu u trajanju od 90 dana u skladu sa procedurom propisanom Ustavom Federacije za donošenje zakona iz zajedničke nadležnosti federalne vlasti i kantona.
3. Zadužuje se Vlada Federacije da prilikom izrade Prijedloga zakona ima u vidu primjedbe, prijedloge i sugestije date u pripremi i na sjednici Doma naroda kao i one iznesene u okviru javne rasprave.

3. Nacrt zakona o registru finansijskih izvještaja

Nacrt zakona utvrdila je Vlada Federacije.

Predstavnički dom Parlamenta Federacije je na 16. vanrednoj sjednici, održanoj 29.11.2016. godine, prihvatio Nacrt zakona o registru finansijskih izvještaja.

Nacrt zakona razmatrala su nadležna radna tijela i dostavila svoje izvještaje.

Jelka Milićević, federalna ministrica finansija, obrazložila je Nacrt zakona.

U raspravi su učestvovali Mirvet Beganović i Osman Ćatić.

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH, sa 36 glasova za, usvojio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt zakona o registru finansijskih izvještaja i smatra da može poslužiti kao osnov za izradu Prijedloga zakona.
2. Zadužuje se Vlada Federacije da prilikom izrade Prijedloga zakona ima u vidu primjedbe, prijedloge i sugestije iznesene na sjednici Doma naroda.

4. Nacrt zakona o računovodstvu i reviziji u Federaciji Bosne i Hercegovine

Nacrt zakona utvrdila je Vlada Federacije.

Predstavnički dom Parlamenta Federacije je na 16. vanrednoj sjednici, održanoj 29.11.2016. godine, prihvatio Nacrt zakona o računovodstvu i reviziji u Federaciji Bosne i Hercegovine

Nacrt zakona razmatrala su nadležna radna tijela i dostavila svoje izvještaje.

Nacrt zakona obrazložila je Jelka Milićević, federalna ministrica finansija.

U raspravi su učestvovali Đuro Delić i predsjednik Kluba delegata hrvatskog naroda, Tomislav Martinović.

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH, sa 33 glasova za, usvojio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt zakona o računovodstvu i reviziji u Federaciji Bosne i Hercegovine i smatra da može poslužiti kao osnov za izradu Prijedloga zakona.
2. Zadužuje se predlagač da organizira i provede javnu raspravu u trajanju od 90 dana.

3. Zadužuje se Vlada Federacije da prilikom izrade Prijedloga zakona ima u vidu primjedbe, prijedloge i sugestije date u pripremi i na sjednici Doma naroda kao i one iznesene u okviru javne rasprave.

5. Nacrt zakona o izmjenama i dopunama Zakona o unutrašnjoj trgovini

Nacrt zakona utvrdila je Vlada Federacije.

Predstavnički dom Parlamenta Federacije je na 13. sjednici, održanoj 13.12.2016. godine, prihvatio Nacrt zakona o izmjenama i dopunama Zakona o unutrašnjoj trgovini.

Nacrt zakona razmatrala su nadležna radna tijela i dostavila svoje izvještaje.

U raspravi su učestvovali Mirvet Beganović i Osman Ćatić.

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH, sa 30 glasova za, usvojio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt zakona izmjenama i dopunama Zakona o unutrašnjoj trgovini i smatra da može poslužiti kao osnov za izradu Prijedloga zakona.
2. Zadužuje se Vlada Federacije da prilikom izrade Prijedloga zakona ima u vidu primjedbe, prijedloge i sugestije iznesene na sjednici Doma naroda.

6. Kvartalni izvještaj o dugu Q1/ 2016. godine

Vlada Federacije Bosne i Hercegovine dostavila je, radi informiranja, Parlamentu Federacije Kvartalni izvještaj o dugu Q1 2016. godine.

Kvartalni izvještaj razmatrala su nadležna radna tijela i dostavila svoje izvještaje.

U raspravi nije niko učestvovao.

Predsjedavajuća je konstatirala da je Dom naroda primio k znanju Kvartalni izvještaj o dugu Q1/ 2016. godine, budući da je dostavljen radi informiranja.

7. Prijedlog strategije saobraćaja u Federaciji Bosne i Hercegovine za period 2016.- 2030. godina

Vlada Federacije Bosne i Hercegovine dostavila je, radi razmatranja i usvajanja, Parlamentu Federacije Prijedlog strategije saobraćaja u Federaciji Bosne i Hercegovine za period 2016.-2030. godina.

Predstavnički dom Parlamenta Federacije u nastavku 12. sjednice održane 8.11.2016. godine usvojio je Prijedlog strategije saobraćaja u FBiH za period 2016.-2030. godine, sa dva amandmana koja je Vlada FBiH prihvatila pa su postali sastavni dio Prijedloga strategije. Tom prilikom usvojen je i Zaključak.

Prijedlog strategije razmatrala su nadležna radna tijela i dostavila svoje izvještaje.

Prijedlog strategije je obrazložio Esad Osmanbegović, sekretar Federalnog ministarstva prometa i komunikacija.

U raspravi su učestvovali: Mirvet Beganović, Aner Žuljević, Emir Frašto i Osman Čatić.

Na osnovu rezultata glasanja, predsjedavajuća je konstatirala da Dom naroda Parlamenta Federacije BiH, nije usvojio Prijedlog strategije saobraćaja u Federaciji Bosne i Hercegovine za period 2016.- 2030. godina sa zaključkom Predstavničkog doma, jer je za glasalo 25 delegata, šest delegata je bilo protiv, a pet delegata je bilo uzdržano.

Budući da je Osman Čatić, uz podršku dva delegata, izrazio sumnju u rezultate glasanja, pristupilo se poimeničnom glasanju, koje je obavio Izmir Hadživadić, sekretar Doma naroda.

Na osnovu rezultata poimeničnog glasanja, predsjedavajuća je konstatirala da je Dom naroda Parlamenta Federacije BiH, sa 29 glasova za, 11 glasova protiv i sedam uzdržanih glasova, usvojio Prijedlog strategije saobraćaja u Federaciji Bosne i Hercegovine za period 2016.-2030. godina sa zaključkom Predstavničkog doma.

Amandmani i Zaključak glase:

Amandman I

Prijedlog Strategije na strani 47. izgradnja brze ceste Bihać - Velika Kladuša - granica Hrvatske, dužine dionice 56 km, dopunjuje se tip projekta sa „priprema i izgradnja“, opis projekta „početak izgradnje“, i mijenja se datum završetka i glasi „2021.“, izvor finansiranja „kreditna sredstva“.

Amandman II

Prijedlog Strategije na strani 47. uvrstiti izgradnju brze ceste Cazin - Bosanska Otoka - linija entiteta, dopunjuje se tip projekta sa „priprema i izgradnja“, opis projekta „početak izgradnje“ i dopunjuje se tip projekta sa datumom završetka mijenja se i glasi „2030.“, izvor finansiranja „kreditna sredstva“.

Zaključci Predstavničkog doma glase:

Željeznice

- Ovaj se dio Strategije temelji na održivom sustavu financiranja, a to podrazumijeva sredstva iz Proračuna Federacije, sredstva od trošarina na naftu i naftne derivate, te druge trošarinske proizvode, te sredstva koja željeznice ostvaruju putem sopstvenog prihoda od transporta.
- Željeznički sustav mora ostati jedinstven, u smislu da se infrastruktura i operateri ne razdvajaju.
Stalna je inicijativa stranih operaterskih kompanija (pogotovo iz Republike Hrvatske) da se na naše tržište uvedu strani operateri i na taj način bi uništili željeznice Federacije.
- Infrastruktura ŽFBiH je 100% u vlasništvu FBiH, i tu treba više pomoći u smislu održavanja i izgradnje. Sve pruge u Federaciji su napravljene prije 50 godina, i neophodno je izdvajati sredstva za njihovo održavanje, rehabilitaciju i modernizaciju. Takav bi se način višestruko isplatio, jer npr. kada bismo elektrificirali svu željezničku mrežu, transport roba bi bio 4 do 5 puta jeftiniji, nego kada se vrši lokomotivama na dizel gorivo.
- Izdvajanja za održivu infrastrukturu.
- Neophodna je informatizacija kompletne mreže zbog ekonomičnosti, a posebice zbog sigurnosti na prugama.
- Budućnost transportnih sustava je u kontejnerskom prometu, i za to treba izgraditi kontejnerske terminale u FBiH.
- Veoma važna stavka je transport nafte i naftnih derivata i u budućnosti treba inzistirati da se taj transport vrši željeznicom od Luke Ploče do naftnih terminala (koji su također u vlasništvu Federacije), a koji se nalaze u Mostaru, Blažuju, Živinicama i Bihaću.

Ceste

Ovaj dio strategije ima značajan nedostatak:

1. Način financiranja daljnje izgradnje autocesta (a i magistralnih cesta) temelji se isključivo na povećanju trošarina na naftu i naftne derivate, tj. na povećanju kreditnog rejtinga.
Nitko nije uzeo u obzir Zakon o privatnom partnerstvu koji omogućuje dovođenje velikih kompanija koje bi izgradile određene dionice autoceste i to na sljedeći način:
Federacija bi odredila koja dionica da se gradi, velike kompanije bi izgradile taj dio i naplaćivale korištenje autoceste određen broj godina (dok ne bi vratile uložena sredstva) i nakon toga bi te dionice predala u vlasništvo Federacije BiH.
Ovaj sustav je poznat i već je u funkciji u mnogim dijelovima Europe i svijeta i mi bismo trebali raditi na implementaciji takvog dijela financiranja izgradnje autocesta.

2. U ovoj strategiji dionice Autoceste označene su kao A2 Tuzla Orašje i A3 Tuzla Žepče.
Kao izvor financiranja izgradnje tih dionica navedena su **vlastita** sredstva.
Na taj način (budući da za takva sredstva treba čekati mnogo godina) te dionice neće biti nikada izgrađene. Ove dvije dionice A2 i A3 trebaju također ući u sustav financiranja izgradnje kao i kompletna dionica Koridora Vc, tj. kreditnim sredstvima i putem modela PPP.
3. Bosansko-podrinjski kanton-vratiti u program buduće izgradnje magistralnih puteva.

Aviopromet

U ovom dijelu Strategije aviopromet Tuzla nije okarakteriziran kao zračna luka s najboljim uvjetima u Bosni i Hercegovini.

Uzletno-slijetna pista duljine 2400 m je sa obje strane, što znači da i najveći zrakoplovi mogu slijetati u Tuzlansku zračnu luku s obje strane piste (dok u Mostarskoj zračnoj luci to može samo s jedne strane).

Postoje uvjeti za učinkovit i siguran noćni aviopromet, jer se treba uraditi modernizacija svjetala za noćno slijetanje. Istodobno treba istaći da je suvremeni uređaj ILS (Instrumental Landing System) koji omogućuje elektronsko navođenje aviona u funkciji i u skladu s najsuvremenijim svjetskim normama.

-Za ovu zračnu luku predviđena je stavka razvitka samo za kargo promet. Ako znamo da ova zračna luka ima najveći porast putnika u Europi, treba inzistirati na daljnjem razvitku putničkog prometa i omogućiti dobre uvjete i za teretni promet.

8. Izbor i imenovanja:

Prijedlog odluke o izmjeni Odluke o izboru predsjednika, zamjenika predsjednika i članova radnih tijela Doma naroda Parlamenta Federacije BiH

Prijedlog odluke je utvrdila Komisija za izbor i imenovanja.

U raspravi nije niko učestvovao.

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH, sa 39 glasova za, dva uzdržana glasa i jednim glasom protiv, donio Odluku o izmjeni Odluke o izboru predsjednika, zamjenika predsjednika i članova radnih tijela Doma naroda Parlamenta Federacije BiH, kojom je u Odboru za denacionalizaciju i privatizaciju, umjesto Drage Puzgaće, za predsjednika Odbora izabran Nikola Simić.

Sjednica je završena u 15:10.

* * *

Transkript sjednice čini sastavni dio Zapisnika.

SEKRETAR

Izmir Hadžić

PREDSJEDAVAJUĆA

Lidija Bradara